

SOALAN :

**PEMBERITAHUAN PERTANYAAN BUKAN JAWAB LISAN DEWAN
NEGARA**

**MESYUARAT PERTAMA, PENGGAL KE LIMA,
PARLIMEN EMPATBELAS**

PERTANYAAN : BUKAN JAWAB LISAN

DARIPADA : Datuk Wira Koh Nai Kwong ()

RUJUKAN : B0169

SOALAN :

Datuk Wira Koh Nai Kwong minta MENTERI DALAM NEGERI menyatakan keberkesanan Kempen Sifar Dadah yang dilancarkan sebelum ini dengan memberi statistik berkaitan dan menjelaskan langkah-langkah yang diambil serta usaha-usaha yang dijalankan untuk membanteras jenayah penagihan dadah.

JAWAPAN:

Di bawah Pelan Dadah Terkawal 2025, antara strategi utama Kementerian Dalam Negeri yang dilaksanakan oleh Agensi Antidadah Kebangsaan (AADK) adalah dengan mengenal pasti 155 buah Kawasan Berisiko Tinggi (KBT) untuk dihijaukan. KBT bermaksud kawasan tumpuan yang menghadapi masalah penagihan dadah berdasarkan 60% populasi klien dalam komuniti seluruh negara. Fokus utama KBT adalah mengurangkan faktor risiko yang menyumbang kepada isu penyalahgunaan dadah dan bahan, pelencongan sosial dan meningkatkan faktor pelindung.

Program Penghijauan KBT ini melibatkan 4 fasa iaitu fasa 1 (pembersihan), fasa 2 (intervensi), fasa 3 (pengukuhan) dan fasa 4 (pengekalan). Untuk tahun 2021, kesemua 16 KBT yang disasarkan pada tahun ini telah berjaya mencapai status hijau seperti yang telah ditetapkan.

Selain itu, Pelan Dadah Terkawal 2025 ini meliputi usaha AADK memperkasakan program rawatan dan pemulihan untuk memastikan penagih dadah kekal pulih daripada ketagihan dadah melalui model i-Pulih. Model ini menggunakan pendekatan Biopsikososialspritual, merangkumi komponen-komponen yang dibuktikan mampu membantu klien mencapai kepulihan dan seterusnya mengekalkan kepulihan.

AADK menggunakan kaedah *Cure and Care Recovery Index* (CCRI) untuk menilai peratusan kepulihan klien sekaligus mengukur keberkesanan program rawatan dan pemulihan penagihan dadah yang dilaksanakan.

PERAKUAN

Dengan hormatnya jawapan yang disediakan oleh **Bahagian Kependajaan, Antidadah dan RELA** telah diperakukan oleh **SETIAUSAHA BAHAGIAN** dan diangkat untuk pertimbangan YB MDN jua.

Disahkan oleh:

Tarikh:

**DATUK MUSA BIN SULAIMAN
SUB (PDR)**

Diperakukan oleh:

Tarikh:
RAHMAN

**DATO' HJ ABDUL HALIM BIN HJ ABDUL
TIMBALAN KETUA SETIAUSAHA
(KESELAMATAN)**

Diluluskan oleh:

Tarikh:

**DATO' SRI WAN AHMAD DAHLAN BIN HAJI ABDUL AZIZ
KETUA SETIAUSAHA**

Dipersetujui oleh: